

26



ser 26

History of  
Bakwena ba  
Modimoshana

TLHOLEGO EA DICHABA.

24 JUL 1950  
24 JUL 50.

pp 1-7

Qalafanaka MS.

J. Kgong Malmame 33-12

K32/31

~~A 3/7/31~~

K 32/31

original

26

ser 216

original a A10/1/3K32/31

TLHODIGO EA DICHABA.

J.K. Maimane

PP-1-7

1 Re utlwa gore tsimologong dichaba tsotlhe ditswa ga <sup>4</sup>lowe.

L2-0-0  
index  
History of Bakwena

DICHABA TSA BAKWENA.

K32/31

M.

2 Bakwena botlhe ba tsatswe ke kwene

ba Modimosana  
pp 10 1/2

SECHABA SA BAKWENA BA MODIMOSANA.

(2)3 Bakwena ba Modimosana bane ba etilwe pele ke Nonyana motlha dichaba dineng diarogana ga lowe. Nonyana o tsetse Modimosana o sechaba sena se bitswang ka ene.

(2)4 Morena Modimosana o busitse morago ga leshe la Rragwe ona a nyetse basadi bale bane ba bitswa ka matsibolo a bona. Ka tlhago mosadi o bitswa ka leina lagagwe la matsalo a ise a tshole ngwana wa ntlha, ere ge aseno tshola ngwana a bitswe ka ene, leina la gotsalwa lefellewe ke mosebetsa. Ke jalo ge basadi ba Modimosana ba bitswa ka matsibolo a bona.

BAFUMAGADI LE MATSIBOLO A MORENA MODIMOSANA.

- 5 (a) Wa ntlha gathwe Mamanamela letsibolo ke Manamela.
- (b) Wa Bobedi gathwe Makhunou letsibolo ke Khunou.
- (c) Wa Boraro gathwe Matau letsibolo ke Tau.
- (d) Wa bone gathwe Mamorare letsibolo ke Morare.

6 Morena Modimosana o busitse sebaka se setelle gagolo, bana ba matlo a mane a gagwe ba gola, banyala baba ba tshola bana, ditlogolwana letsona tsa gola gontse go busa ene.

7 Eare ka baka la botsotadi ba gagwe le ka baka la go seutlwana ga bana, sechaba sa gagwe lesona seatile gagolo a bona gore e ka kgona ere asa phela a aroganye hana ba gagwe ba ntlha bogosi ele gore omongwe le omongwe atle a buse ka taelo ea gagwe bo ntlha ngwe ba sechaba. Eaba Morena Modimosana o aroganya bana sechaba sa gagwe are se buswe ke bona.

MATSIBOLO A MORENA MODIMOSANA.

- 8 (i) Letsibolo ke Manamela wa ntlo ea ntlha.
- (ii) Letsibolo ke Khunou wa ntlo ea bobedi.
- (iii) Letsibolo ke Tau wa ntlo ea boraro.
- (iv) Letsibolo ke Morare wa ntlo ea bone.

9 O mongwe le o mongwe wa bona o neilwe karolo ea sechaba go e busa .

10 Morena Modimosana abitsa karolo tsa bona ka maina a ngwotswang katlase mongwe le engwe ese sechaba ka bo eona. Are ke sechaba ge sekopane sa Bakwena ba Modimosana se okametswe ke Manamela.

- (a) Karolo ea ntlha are "Ba Manamela" ga busa Manamela.
- (b) Karolo ea bobedi are "Ba Maake" ga busa Khunou.

(c)...../2

(c) Karolo ea boraro are "Ba Matau" ga busa Tau.

(d) Karolo ea bone are "Ba Matlhako" ga busa Morare.

11 Sa pele Morena Modimosana o arotse sechaba sa gagwe ka bogare, karolo e ngwe a e abela letsibolo la ntlo ea ntlha ea gagwe Rragwe. Manamela go e busa lego okamelolo bo morwa/matsiboho a matlo a morago, Khunou, Tau le Morare karolong tsa bona.

12 Karolo ea bobedi a e aroganya bana ba ba botlana ka golekana, Khunou, Tau le Morare. Karolo tsa bona dine dilekana le ea mogolwa bona Manamela ka bogolo ge dikopane. Abaraea are ba itse gore ke dikgosana batla busa karolo tsa bona ba okametswe ke mogolwa bona Manamela mo nakong ea ge a sa phela le morago ga leshe la gagwe. Erile Morena Modimosana asene phetha mediro ea tlhe ea gagwe a laile le go laela bana ba gagwe a phela sebaka se sekhutsewanyane morago gamoo a tlhokafala. Bana Basetse ba tshageditse taelo tsotlhe tsa gagwe.

TLHOGO TSA SECHABA SA BA MODIMOSANA MARENA  
ABA MANAMELA.

- 13 1. Manamela, 2. Mphele, 3. Mpete, 4. Pooe,  
5. Kgang (1), 6. Maimane (1), and 7. Kgang (11).

1. Morena Manamela a bewa setulong sa borena a busa mo boemong ba Rragwe asa phela le kafa morago ga leshe la gagwe. Ona nyetse mosadi gathwe Mamphele, a tsetse Mphele ngwana wa ntlha.
2. Morena Mphele o busitse morago ga leshe la Rragwe ona nyetse mosadi gathwe Mampete, a tsetse Mpete ngwana wa ntlha.
3. Morena Mpete o busitse morago ga leshe la Rragwe ona nyetse mosadi gathwe Mapooe, a tsetse Pooe ngwana wa ntlha.
4. Morena Pooe a busitse morago ga leshe la Rragwe ona nyetse mosadi ga Matau gathwe Matsukudu a tsetse Tsukudu ngwana wa ntlha. A phela dilemo dile dintsi thata a busa. Ngwana wa gagwe wa ntlha a gola le ene a tsofala gontse go busa Rragwe.

NGONGOTRGO LE BORABELA BA TSUKUDU MORWA POOE.

14 Erile ge Tsukudu antse a utlwa <sup>bo</sup> le tse ba kwa mogola ba bua ka bogolo le ka tshwanelo tsa gagwe, a simolla go ngongorega, are thaka tsa gagwe ke kgale dibusa, ene o tsofala asa busa empa Rragwe ga bue sepe ka gona. Tsukudu ona nyetse mosadi gathwe Makgang a tsetse Kgang ngwana wa ntlha.

15 Tsukudu ke setlogole a kwa Matau se setlotlegang thata kwabo mogolo. Ba Matau bane ba eletsa that ge ga Manamela go kabe go busa ene. Erile ge Tsukudu a utlwa dipuo le dikeletso tsa bona ~~a tsa~~ <sup>dintlhisiana</sup> a di thabela. A batla ge Rragwe a ka tloga setulong sa borena sa tsewa ke ene.

16 Are Rragwe o godile le gona o tsofetse go busa. Are Modimosana o busitse, empa ~~ana a tlogile~~ setulong sa borena ka baka la go gola ase neea bana ba gagwe. Morena Pooe a utlwa botlhoko thata mo pelong ge a utlwa dipuo tsa morwa wa gagwe. Baba ore a 'molelle eaneng a moraea are ngwana a ka dula setulong sa borena a busa Rragwe antse a phela. Are le gona o boletse ka go tloga ga Morena Modimosana setulongge abela bana. Gathe Modimosana o dirile jalo ka go rata ga gagwe, ese ka ~~kaga~~ kope kapa kgapeletso.

Morena...../3

- 17 Morena Pooe a moraea are ene otlala dira ditswanelo tsa molae fela. Are Tsukudu otlala tsaea setulo sa borena fela ge gotlile gore a rena, jaka mang le mang ge nako ea go busa e fitlhile. Tsukudu gaka thabela puo ea Rragwe o tswetse pele ka go kgathatsa gofitlhela Rragwe a mo neile go laela mophato wa gagwe leteng atlogets~~e~~ ga feta sebakanyana, a boela a tla go Rragwe go tlo moitsisi gore otlatswa le mophato wa gagwe go eo bolaea ditlou ka baka la go tlhwafatsa batho. A kopa go tsa ea mephato mengwe ea Rragwe go o ketsa wa gagwe. Rragwe ona moletlella ka gose itse se Tsukudu a rerileng go se dira kaene.
- 18 Erile ge Tsukudu a seno tsamaea, ga utlwala gore otlala kgutla kwa ileng gotlo lwantsa Rragwe bakeng sa ge a sa dumele gore go buse ene. Eare ge taba tsena difitlha ditsebeng tsa Rragwe, a utlwa botlhoko thata a dumela gore a ka dira jalo kamo a itseng a le ka teng.
- 19 Morena Pooe ana begela bo morwa Rragwe taba tsena, ba Maake, ba Matau le ba Matlhako. A ba a kopa thuso Taung ga Moubana. Bataung bana re batho bale bangwe le bona, re kopane ka kgomo ke ditlogolo tsa Manamela barwa Mokopi. Erile kope ena e fitlha ditsebeng tsa bona ba e amogela ka mafalofole a magolo, ba utlwela ba kwa bona mogolo botlhoko.
- 20 Ba opa mokgosi, phala ea lla, mephato ea bolla go ea ga Manamela Ba Maake le bona ba dira jalo. Erile ge mephato ea bathusi esene fitlha ga Manamela, Morena Pooe a e kopanya le ea gagwe pele a e ntshe tsa ka ko ntle ga motse go thiba ditsela tsotlhe ka eana tse ditsenang mo gae.
- 21 A ba laela gore ere ge Tsukudu a boa le mephato ea gagwe, ba seke ba dumellwa gotsena ba tshotse marumo mogae a tsewe mo go bona Tsukudu a tsebise gore ketaele etswang go Rragwe, go tshwanelaga gore ba e dirise. Ge ba sa dumele go dira jalo, ba bolallwe gore le na le go ba lwantsha kantle le go etsa puo e telle. Ge goka diragala ntwaga magareng a lona le bona lethuse ka go baballa bophelo ba Kgang le Sekgalle barwa Tsukudu, ba seke ba tlhagelwa ke kotsi epe. Le batlise kwano baitse gore kea batlhoka. Tsukudu Rrabona a tshwarwe a tliswe le ene.
- 22 Erile bosigong boo gorobetswe Tsukudu a tla le Mephato ea gagwe, a sa itse le gona asa nagane gore Rragwe a kabe a lemogile kapa aitse se arerileng gose dira. Ona makala a tshoga go bona ba dikanyeditswe ke matshwele tshwele a masole ka ntlha tsotlhe a tshotseng marumo, ge baea ba lebile mo gae.
- 23 Tsukudu erile boemong ba gore<sup>a</sup> neele ntwaga, atswaga gare ga mophato a tshaba. Mephato ea Rragwe ea fitlha ea matla, gathwe o tshabile mephato ea Rragwe ea tsebisa ea gagwe taelo ea Morena Pooe ele gare ba bee marumo a bona fa fatshe. Ba dirile jalo kantle le go phega, ba abeile fa pele ga mephato ea Rragwe, baitse o tsena mo gae. Kgang le Sekgalle ba batlwaga ba fumanwa.
- 24 Eaba Baiswa go Rrabona mogolo Pooe a itumela gagolo go bona ditlogolwana tsa gagwe diphidile. Mephato e eneng e eile le Tsukudu e boetse gae. Erile morago ga sebakanyana ga utlwala gore Tsukudu ene o kwabo mogolo ga Matau, o tshabetseng teng. Tsukudu ga ka tlhola a boela gabo o tshabetse ruri. Lefu la gagwe le lebitla, ga go mang eare itseng ga Manamela.
- 25 Morena Pooe ona leboga bathusi botlhe ba gagwe, ga gologolo a leboga Bataung ka go amogela kopo ea gagwe. Are thuso ea bona e dirile selekane se segolo magareng a dichaba tsa bona, sa Bakwena le sa Bataung. Morago ga go etsa tebogo o ile a bua le sechaba sa gagwe ka go Tsukudu le ka bana ba gagwe, Kgang le Sekgalle.
- 26 Morena Pooe a raea sechaba sa gagwe are Tsukudu o ntwantshitse ka bolotsana. Are lege go sa tshologa madi, gagwe fela go pepeneneng mang le mang o bona, goitshupile diketso tsa gagwe le lona lea bona o tshabile a tlogela mephato ea gagwe. Are ka lebaka lena ge ~~le~~ ditokelo tsa gagwe tsotlhe ~~tsotlhe~~ dimotlogile ga sana le tokelo

Dilong...../4.

dilong tsa me. Ke tla dina bana<sup>la</sup> gagwe Kgang le Sekgale. Bogosi botla tsewa ke Kgang morwa wa gagwe o mogalo, o tla busa kafa morago ga lesno la me. Ka morago ga moo gagwaka ga feta sebaka se setelle Morena Pooe a tlhokafala.

- 27 5. Morena Kgang (1) setlogolwana sa Morena Pooe a bewa setulong sa Rragwe mogolo sa borena a busa. Ona nyetse mosadi gathwe Mamaimane a tsetse Maimane ngwana wa ntina.
- 28 6. Morena Maimane (1) o busitse morago ga lesno la Rragwe. Ona nyetse mosadi gathwe MaKgang, a tsetse Kgang ngwana wa ntina.
- 29 7. Morena Kgang (11) o busitse morago ga lesno la Rragwe. A nyetse basadi bale bararo.

BAFUMAGADI LE MATSIBOLO A MORENA KGANG(11).

- 30 (a) Wa ntina gethwe Mamaimane letsibolo ke Maimane.  
 (b) Wa bobedi gothwe Matsukudu letsibolo ke Tsukudu.  
 (c) Wa boraro gothwe Masekano letsibolo ke Sekano.

Morena Kgang (11) o busitse mo nakong tsa ge matebele (Zulus) a lwantsha dichaba tsa rona. Ba Manamela ba tlhorisega gagolo. Erile gona ge Makgowa a tsena fatseng le nola Transvaal ba tlhorisega go fetisisa. Ba ba baphatlhalla setlhopha se sengwe sa tshabela Bopedi. Safitlha sa aga go iketsa sechaba teng. Bongata ba tshelala Free State le Morena Kgang (11) bare ba ea Lesotho. Bafithile ba thibella plasing ngwe ea leburowe, e bitswa Masomeng ka sesotho(ka sekgowa gathwe Rhenosterport).

31 Lekgowa lena lana la ba dumella go ikhutsa plasing ea lona mogo le diruiwa tsa bona. Dikgomo, dinku le dipudi baitse o fetela pele. Empa ga baka batlhola ba dira jaka ba boletse. Ba agile ga feta dilemo dile dintsi ba ntse bale mo plasing eo. Erile morago mo ba kgathologileng teng basa tlhole ba magana go feta. La simolla go ba tswenya. La ba feretlha gofitlhela babe ba thubega ba tshaba.

32 Ba bangwe bana ba leba thokong ea Lesotho. Morena Kgang le setlhopha se sengwe ba tshelala Transvaal gape. Ba bangwe erile go tshela ba sala lebopong la lekwa. Tlhopha se sengwe sa sala Nkorwe (Boschoek) ge Morena Kgang (11) afeta le tlhopha se sengwe go leba Mamogowe. Le bona bafithile bathibella Makgophe ka tumelano ea bona le lekgowa la plasi eo. Morena Kgang (11) ke tlogo ea sechaba sa Modimosana. O agile Makgophe nako eo tlhe ea bophelo ba gagwe, a tlhokafala a setse a godile gagolo. Ke ene Morena wa bofelole o busitseng ka nako eo, ga Manamela.

MATSIBOLO A MORENA KGANG (11).

- 33 (1) Letsibolo ke Maimane. Maimane wa ntlo ea pele.  
 (2) Letsibolo ke Tsukudu Paulus Maimane wa ntlo wa bobedi.  
 (3) Letsibolo ke Sekano Hendrick Maimane wa ntlo ea boraro.

34 Bogologolo batho bane basa kolobetswe, legona bane basena difane. Bane ba bitswa ka maina a bona le go bitswa bo morwa semang mang fela. Difane di simolgile ge batho ba tsena mo thutong ba kolobetswa. Batho ba ba kolobeditsweng pele, bana ba tlogela maina a bona a tlhago, batlogela leina la motho o lesika le semologileng ka ene.

35 Baikolobetsa ka maina a sekgowa. Difane baipitsa ka maina a bo Rrabona mogolo ba moragorago. Sefane ke motheo leina la motha wa ntina o lesika le simologileng ka ene. Lesika ke bana ba sekgowa

le ditlogolwana etc, etc. Kolobetso ke tumelano ea motho le Kreste. Kreste ka nosi o kolebeditswe, a bitswa ka maina a gagwe a tlhago.

36 Ga Manamela mothe wa ntlha o amogetseng thuto a kolabetswa ke Tsukudu morwa Kgang (11), a ipitsa Paulus Maimane. Ke ka jalo go ba kgosing ba bitswa ba Maimane. Ba Maimane ba kabe ba nepile (lebantse) go ipitsa Manamela.

37 Morago ga leshe la Morena Kgang (11), setule sa borena sene setshwanetse sa tsewa ke Maimane letsibolo la ntlong ea gagwe ea pele. Empa ga aka dira jalo. Le gona ga ka ipua le bo morwa Rragwe ba matlo a morago bakeng sa borena le sa sechaba se sephatlhaletseng sa Rrabona. Go fitile dilemo dile dintse thata ba Manamela busa buswe.

38 Ba Maake, ba Matau le ba Matlhako batla kafa morago ga ba Manamela. Legoale o latela Maimane mo boreneng ba Modimosana. Empa le ene morwa ga leshe la mogolowe Kgang (11). Ga ka dira gore ba kopane le bo morwa Rragwe, ba Matau le ba Matlhako go rerisana le bona ka lefu le gowa ga tlogo ea sechaba sa bona. Ba Modimosana ba dutse jalo ba sena o mogolo ea ba okameiseng.

MATSIBOLO, DINGWETSI LE DITLOGOLWANA.

---

- 39 1. Maimane ke letsibole ntlong ea pele ea Morena Kgang (11). Ona nyetse Masemele, letsibolo ele Semele Makabe, Joseph Maimane.
- 40 2. Tsukudu ke letsibole ntlong ea bobedi ea Morena Kgang (11). Ona nyetse Mamokgethi, letsibolo ele Mokgethi, a tlhokafala bonyaneng ga tsholwa monnawe, Midibidi, Cornelius Maimane, ke ene o mogolo janong mo lapeng la Tsukudu, mo befelong Mamokgethi a tsola Kgang gofejane, a bitswa ka ene gathwe Makgang.
- 41 3. Sekano ke letsibole ntlong ea boraro ea Morena Kgang (11). Ona nyetse mosahi gothwe Malesele, letsibolo ele Lesele, a tlhokafala ga tsholwa monnawe Lesejane, Titus Maimane.

MORENA WA <sup>ba</sup> MATAU A EA GA MANAMELA GO  
O KOPA THUSO.

---

42 Erile Morena Kgang (11) a sa phela Lekgatle Morena wa ba Matau a tlo 'megela gore o reka lefashe la Pilwe ebile a tllilo kopa thuso. Morena Kgang (11) a begela ba Manamela se morwa Rragwe a tllileng go ene ka sona. A baraea are, monna lona ke ona are wa nyale (o reka lefatshe) monyadiseng. Ba baneng baikutlwa o thuso bana bantsha dithusha kamoo ba bonang ka teng. Bongata baseke bantsha sepe.

THEBE MORENA WA BA MATAU O BAKA BOGOSI  
BA KWA MANAMELA ARE BOCBUSWA KE ENE  
MAKABE GASE MORENA.

---

43 Thebe o busa ga Matau, ga buse ga Manamela, lege ene are ba Manamela ke batho ba Matau ba buswa ke ene. Morena Makabe ke morwa Maimane setlogolwana sa Morena Kgang (11). Ba Matau ke bo morwa Rragwe, ba ba botlana go ba Maake, ke bana ba ntlo wa boraro ea Modimosana, le ge bona basa ipitse jalo bare ke bona ba bagolo. Ba Matau ke batho ba ratang bogolo, bare ba bagolo go ba Manamela ba ntlo ea pele, ba bagolo go ba Maake ba ntlo ea bobedi, ebile ba bagolo go ba Matlhako ba ntlo ea bone. Sena se bontsha gore ga baitse tlholego ea bona le ganyane. Ge eba ga baiketsisi, ba bua se ba se boleletsweng, molato o tiabe ole go basadi ba bona, basa ba ruta tlholego jaka bona ba e rutiwe ke Rrabona Modimosana a sa pheia. A ba laea, lego laeia o mongwe le o mongwe goikitse aitse o Mogolo le o motlana.

Enere...../ 6

- 44 Enere mo selemong sa 1921 Morena Makabe a phutha ba Manamela a batla go tsosa bogosi ba Rragwe mogolo Kgang (11) le go rera theko wa lefatshe la Makgophe. Morena Makabe a bitsa pitso are e kopanele Tlokwe (Potchefstroom) ke ko goleng morwa Rragwe Cornelius Maimane. Mo nakong eo ga Matau gone go busa Thebe Herman Maseloane morwa Lekgatnie, Hendrick Maseloane.
- 45 Morena Thebe ona utlwela ka pitso ena, eaba o ea Tlokwe go ep makalla Morena Makabe. Are Makabe gase Morena, ba Manamela ga bana go ka reka lefatshe la sechaba kante go ene ba buswa ke ene, ge ba batla lefatshe ba ka le reka ka ene. Morena Thebe ofithhile ko Tlokwe a fetela ga Commissioner go eo makala.
- 46 Erile Morena Makabe a ntse a tshwere phuthego a tlelwa ka pigi ere o batlega ka pele le batho ba gagwe ga Native Commissioner oa Tlokwe. Baile teng ba fitlhela Morena Thebe ale teng. Commissioner ea bolella Morena Makabe gore o makoletswe ke Morena Thebe wa ba Matau gore oswere pitso ea go rera theko ea lefatshe la sechaba e se Morena. Are ba Manamela ba o ba phuthileng bana ba buswa ga Matau ke ene. Ge ba batla go reka lefatshe ba ka le reka ka ene, eseng ka wena. A go jalo na? Morena Makabe a latofatsa are gase nnete. Eaba o tlhala tsholego ka mo a itseng ba tsetswe kateng ga Modimosana. Morena Makabe a kopa gore Morena Thebe a bolele tsholego ea ba Modimosana le thulagano ea borena, a ba bolele gore gotlile jang ge ba Matau ba busa ba Manamela.
- 47 Morena Thebe a bolela gore ba Matau ba bagolo ga Modimosana, ba Manamela ba kgethela ba Matau. Are ona le bopaki bo botletseng.
- (1) Erile ge Rragwe Lekgatle a reka lefatshe a kegthisa ba Manamela.
  - (2) Kamo Morena Thebe a tlhalositseng ka teng ga go kgotsosatse gago bontshe gore ba Matau ke bona ba bagolo ga Modimosana jaka a bolela. Legona gago supe sepe gore Thebe wa busa le go kgethisa ga Manamela. Sa bobedi ga bolela sepe ka gore o laola le go kgethisa ba Maake le ba Matlhako ba lebona ba tsetsweng ga Modimosana.
  - (3) Morena Makabe are se seneng se dirwe ke ba Manamela ga Matau ene ese lekgetho, ene ele thuso e kopilwe ke Morena Lekgatle go Mogolwe Morena Kgang (11) asa phela.
  - (4) Morena Makabe a boela pitsong ea gagwe a fitlha araea ba Manamela are se sadirilweng ke Thebe se botlhoko thata. Are gase gore Thebe ga itse kutla eabo kwa Modimosana se seteng Thebe ga ikemisetsa go bua nnete. Taba ena e botlhoko gonne sechaba se seitwantshang ele sona pheletsong se wela matsogong a ba dichaba base buse. Are ke se setla tlhagelang ba Madimosana ge ba sa ikele tlhoko baitsane ba tlhonephana. Are gase tswanelo gore Thebe a bake bogosi ba kwa Manamela le ene. Eaba ba tsen ditabeng tsa bona go boledisana ka theko ea fatshe la Makgophe. Bafeditse ka gore le theko e boima le tlogelwe go senkwe lesele.
- 48 Eaba phuthego ere ka baka la se se retlhagetseng, ketso ea Morena Thebe gwa tswanelega gore re dire thulaganyo (history) ea Marena a kwa Manamela. Bare Morena ea santseng aphela wa Marena kgale ea nang le tsebo ea Marena a ba Manamela ke Moleshwane. Bare go kgethwe banna ba e go ene ga Moubana go ee mo kopa theko ea go rulaganya le bona Marena a otlhe a busitseng ga Manamela mo methheng ea bogologo Moleshwane ke Morena wa ba Taung ba Moubana. Tsalano ea bana le ba Manamela ea itsege e tlhalositswe gono go kgethwe Kgang gofejane ea Tsukudu, Martinus Nokoane le Andrius Pooe, go eo kopana le Morena Moleshwane. Gathwe etlare ge baseno boea go nne le pitso ekgolo ko Makgophe e barongwa bana batla neelang report ea se ba seromilweng gobe go kgethwe ba bangwe gape mo pitsong eo go eo ~~sanka~~ lefatshe le leka rekwang. Ba bangwe ba eo batla ba Manamela ko ba ka fitlhelwang teng. Barongwa ba dirile jalo, baea ga Moubana, ba fitlhile ba begela Morena Moleshwane taba tse batlileng ka tsona.

49

A ba amogela le kopo ea bona, a bathusa go dira History ea Marena a ba Manamela go fella ka Morena Kgang (11). Ene ele ka kgoedi ea August mo selemo sa 1921 ba boile ba tsotse se ba seru-milweng go eo leta motlha pitso ea Makgophe go neela report, jaka gono go boletswe mo pitsong enengedutse Potchefstroom. Morena Makabe ona tswanetse a laelle morwa Rragwe Cornelius gore a bitse pitso. Morena Makabe asake antsha taele ena. Gafeta dilemo go sa utlwala sepe ka eona.

50

Erile ge Cornelius antse a letile lentswe le lereng a bitse pitso ea Makgophe a utlwela Malomagwe o antseng a ile bogwaragwara Moseki, Phillip Nokoane gothwe oboile otlile gae ebile otlala a fofetse.

51

Ene le Morena Makabe ba tsamaea ba tswara dipitso ba kgethisa ba Manamela dichelete tsa go reka lefatshe basa morerisa sepe. Cornelius ke morwa Tsukudu, ke ene letsogo le letona la Morena Makabe o ditiro tsotlhe ditshwanetseng go dirwa ka ene. Ana makala a seka a itse se a ka sedirang ge a utlwela tse didirwang ke mogolowe Makabe le malomagwe Moseke.

52

A botsa banna ba baneng ba rongwe ga Moubana gore a bona ba boleletswe a ba itse sengwe kase a se utlwelang le gore a e kaba ba setse baile ba neela report ea se ba kileng ba serongwa ke Morena Makabe mo pitsong ea Potchefstroom.

53

Ba arabile ka gore bantse ba utlwela ka pitso tseo fela ga ele bona ga baise ba bolelwe ke ope sepe, legona ga baise bitswe gotlo neela report ea se Morena Makabe aneng ase ba romile. Eaba Cornelius o boela are janong ke direng ge ele mona morwa Rre Makabe a dira ditiro asa ntherise na?

54

Bare resitwa gore reka araba rarang, empa rona ga re dumele gore e kaba ke lefatshe la sechaba le le rekhang. Ke wena wa ntlha ea tshwanetseng a itse ge gotla rekwa lefatshe ebe wena o bolellang ba Manamela.

55

Taba ea pele e ba Manamela baka ratang goeitse ke gore bo monnawe bakoa ka dira jang kante go bona. Banna bana ba moreile bare bona, ba nagana gore eka nna lefatshe la batho baikopanetseng fela (private company) goithekela tulo e eleng ea bona fela, e ba ka bolellang motho ge ba rata gosa ba tlamego bolela.

56

Erile morago gamoo ga utlwala gore ke nnete Morena Makabe o rekile lefatshe la sechaba mo districting ea Rustenburg fatshe keo gathwe ke Vlaplaas No. 651, ga bitswa ga Manamela. Morena Makabe a a simolla go busa ba Manamela teng, empa ka nako e khutshwanyane thata a tlhokafala a ise a begele morwa Rragwe Cornelius sepe a bitse le barongwa bakwa Moubana baise ba bitswe gotlo bega sa boromina. Setilo sa gagwe sa borena sa tsewe ke morwa wa gagwe wa ntlha Maimane (11), Samuel Maimane, ke ene a busang ga Manamela.

oooooo000 E N D. 000oooooo

end s 26